



Saopštenje za javnost

Menadžment JZU Opća bolnica „Dr Mustafa Beganović“ Gračanica povodom nastale situacije u vezi sa pandemijom korona virusa ovim putem želi upoznati građanstvo i naše pacijente sa preduzetim aktivnostima na obezbjeđenju dodatnih finansijskih sredstava koja će omogućiti stabilizaciju poslovanja, kontinuirano obezbjeđenje svih lijekova kao i medicinskog potrošnog materijala i kontinuiran rad svih službi i odjeljenja a u skladu sa Naredbama Ministarstva zdravstva TK.

Na osnovu izvršenih pregovora sa Vladom, Ministarstvom zdravstva kao i Zavodom zdravstvenog osiguranja utvrđeni su pravci kojima Opća bolnica treba usmjeriti svoje poslovanje u 2020. godini kao i potrebna sredstva za podmirenje novog Kolektivnog ugovora i pokriće ostalih troškova poslovanja.

Planom za 2020. godinu predviđa se veći prihod u odnosu na 2019. godinu uz grant sredstva koja je vlada obećala za sanaciju finansijske situacije i nabavku neophodne opreme

Uz nesebičan angažman menadžmenta da animira sve strukture koje su učestvovala u kreiranju finansijskog ugovora bolnice za 2020. godinu stekli su se uslovi za stabilan i kontinuiran rad bolnice kao i uslovi za poboljšanje finansijske situacije.

Na taj način stvorit će se uslovi za poboljšanje kako kvalitete tako i obima usluga koje se pružaju u našoj ustanovi.

Tako ćemo i u ovim izvanrednim okolnostima vezano za pandemiju Korona virusa angažovati sve svoje osoblje za nesebičnu pomoć stanovništvu u prevazilaženju ove situacije a po ingerencijama Kriznog štaba Tuzlanskog kantona.

Želimo se zahvaliti Premijeru Tuzlanskog kantona, Denijalu Tulumoviću, ministrici zdravstva Dajani Čolić, članovima Upravnog odbora i direktoru Zavoda zdravstvenog osiguranja koji su obezbjeđivanjem finansijskih sredstava zauzeli jasan stav prema JZU Opća bolnica „ Dr. Mustafa Beganović“ Gračanica.

Takođe želimo se zahvaliti članovima Upravnog odbora JZU Opća bolnica „Dr. Mustafa Beganović“ Gračanica kojeg čine: Selmin Karić, Dr. Elvisa Šabuljić, Dr. Mirela Sulejmanović, Edisa Aljić i Jasmina Slamnik koji su od svog imenovanja u desetom mjesecu 2019. godine, nesebično i analitički zajedno sa nama pristupili rješavanju tada naizgled nerješivih problema u JZU Opća bolnica „Dr. Mustafa Beganović“ Gračanica.

Zahvaljujemo se svim uposlenicima koji su od svojih ličnih sredstava te pronalaskom donatora učinili mnogo na uređenju i sanaciji bolničkih prostorija.

Zadovoljstvo nam je što je OO SDA Gračanica prepoznao kvalitet rada sadašnjeg menadžmenta te se nadamo da će i u budućnosti dati punu podršku struci i zdravstvenim radnicima.

Smatramo da sredina poput Gračanice zaslužuje, treba i može da ima jednu respektabilnu zdravstvenu ustanovu sekundarnog nivoa i mi ćemo se truditi da u tom pravcu idemo snažno i transparentno.

Želimo sreću svima Vama i našim uposlenicima u što bezbolnijem prevazilaženju okolnosti vezanih za pandemiju Korona virusa !

Gračanica, 19.03.2020. godine

D I R E K T O R
Dr Šemsudin Okanović spec.pedijatar